

nanay te holyanes!

– Nanay, be! Nanay! Nema te holyanav!

Geloo dova. Andivin disilo.

– Ayde bazhis! Ayde te jas, te dikhes kate ka charaves.

– Mishto, be! Mishto be, dyado pope!

Ushtino o rashay, gelo peske. Chardile e buznya, chardile. Kam edin-
dva chasa inkalela i duruli: „ twrw – twrwlwt“. E buznya sichko khelena, e
kashta..., sichko khella. Li e buznya: „ drus-drus“. Khelna e buznya.
Khelde, khelde – di cheteri-pet chasa. Saprindyas, ushtino, gelo peske.

Nali e buznya na hale, na chardile. O rashay phendas leske:

– Gey! A be, bozhi sine! A be, kay charavdyan e buznyan?

– Ami othe, dyado pope, kate phendyan mange!

– A be, okoa dies charavdyam len. Ekh kamara thud mukle e buznya.

Akana opkash na mukle.

– A, na mukle! A be, dikh chi charavava len!

Ekh dies, duy, trin. E buznya epten na den thut.

– Popadike! Trea te sledinas les kate gelela e buznyan!

– Ami, ja ba, dyado pope! Ja ba!

Lela kade pladne o rashay, jala. Isi ekh kapines, sledinela. I taman
uklisto upre o rashay, manga te avel, te khel pes. O raklo inkaldyas pi
duruli. „ Durulyu, durulyu!“ Kay zakheldyas o rashay ko kare – pi bul, po
vsichko izpharavdyas. Sar phendyas:

– Bozhi sine! Saprine, be! A be, bozhi sine! Sapri, be!

Hay pala, ov bashalela peske. Ich ... Gey! Saprindyas. Ushtino o
rashay, vazdel pi swstwn. Ushtino, gelo peske.

– Dedo pope?!

– Popadike!

– Oti sinen but pharavdo, be? So kerdyan?

– Mani, mani! Ami mi bul te dikhes sosi!

– A, ranen li si? Oti, be?

– Amari kapla – phela – but bashalela. Vsichko khella: kashta, kare,
vsichko.

– Ey, dyado pope! V nedelya isi biyav. Amare kozares ka inkelas te
bashalel.

– Ami ka ingelas les.

Alo o kurko.

– Brey, sine!

– Kvo be, rashay?

– Nanay jas avdies e buznantsa!